

圣观自在菩萨功德赞

宋西天三藏朝奉大夫试鸿胪卿传法大师施护奉诏译



南無本師釋迦牟尼佛


说明

本繁体校正版《圣观自在菩萨功德赞》电子书，根据《乾隆大藏经》宋元入藏诸大小乘经，第 1071 部，宋西天三藏朝奉大夫传法大师施护奉诏译《圣观自在菩萨功德赞》原藏影印本校正；《大悲咒》及《礼观音文》根据弘化社“日诵经咒选录”校正。

本电子书是免费结缘品，特此说明。

仁慧草堂

二〇一八年七月



扫码关注仁慧草堂微信公众号



南無千手千眼大慈大悲观世音自在菩萨摩诃萨

圣观自在菩萨功德赞

宋西天三藏朝奉大夫试鸿

胪卿传法大师施护奉诏译¹

归命最圣观自在	满月妙相莲华生
能以无畏施有情	我今称赞彼功德
一切善法悉具足	顶戴诸佛大智冠
福慧庄严最上尊	是故归命莲华手
两颊圆满红白色	鼻相修直妙端严
齿如珂雪密复齐	四牙平正而具足
梵音清响复深妙	一切闻者生爱心
凡所宣说众语言	柔和善顺而甘美
常以大悲方便力	救度一切苦众生
自利利他众导师	是故归命莲华手
双眉同彼初生月	身相犹如真紫金
众宝为鬘以庄严	一切见者无厌足
敷鹿皮衣而为座	最上自在众中尊
身诸相分悉周圆	是故归命莲华手
上妙细鬘为络腋	摩尼珠宝作耳环
世出世宝所庄严	最上自在最尊胜

¹ 大正藏：西天译经三藏朝奉大夫试鸿胪卿传法大师臣施护奉 诏译

诸善功德皆满足 一切世间大法主
能开种种方便门 是故归命莲华手
罪业众生微尘数 无量劫来处轮回
菩萨常生方便心 化度悉令归智聚
放慈悲光照一切 以最上法施众生
普令有情证菩提 是故归命莲华手
所有阿鼻大地狱 菩萨慈悲往现身
破坏彼趣悉无余 阎摩狱卒生惊怖
彼诸业报众生类 咸皆离苦罪消除²
恶趣能以智火焚 是故归命莲华手
具足悲智行愿力 欲色界中皆现身
于法自在利群生 阎摩眷属悉欢喜
破坏一切罪业境 令诸苦恼不复生
有情离苦得清凉 是故归命莲华手
我今称赞大圣者 最上色相无等伦
无碍自在三界尊 普施众生无所畏
度脱有情出苦海 断彼三毒烦恼根
咸令得住安乐中 是故归命莲华手
所有一切饿鬼众 针咽大腹及鼻毛
如是等类数甚多 昼夜受彼饥渴苦
由彼饥渴火所逼 互相吞噉苦恼生

² 大正藏：销

菩萨悲愿力所持 往彼现身而救济
先化种种美饮食 各各令饱益身腴
复为宣说正法门 一切得离诸苦恼
菩萨悲智方便力 能入一切趣类中
利行同事摄有情 是故归命莲华手
身有大摩尼珠宝 常出净妙众光明
普照世间诸暗暝 映蔽日月而不现
所有夜叉罗刹等 蒙光照者悉归依
观众生心令断疑 是故归命莲华手
大力阿修罗王众 斗诤勇猛而难调
菩萨亦现彼趣中 方便说法而化度
彼闻法已断疑惑 各各生于慈善心
能施最上妙法门 是故归命莲华手
菩萨曾游诸天界 入一妙环天子宫
随顺方便开化门 彼天悉无诸³所施
是时天子生苦恼 菩萨即为现珍财
令彼天子满施心 是故归命莲华手
所有一切贪欲者 常为烦恼火所烧
得见菩萨善威容 即能回心思正法
世间贪瞋痴盛者 恭敬顶礼大圣尊
三毒烦恼获消除 是故归命莲华手

³ 大正藏：潜

众生界分无边际 昆虫蝼蚁数无穷
菩萨亦以慈悲心 处处方便而化度
世间或时值饥馑 即变所食济群生
咸令息彼饥渴心 是故归命莲华手
若见众生处大海 船⁴筏破坏欲漂沉
菩萨慈悲现马身 令其攀附而得渡
众生乘船⁵在大海 菩萨随意使其风
若顺若逆济众生 咸令远离诸怖畏
菩萨已离三界苦 圆满三摩地法门
复能摄化诸有情 数等虚空无边际
菩萨已离种种怖 所谓罗刹诸部多
必舍左及拏吉泥 邪迷一切恶鬼众
大水大火并盗贼 虎狼虫兽及刀兵
疾病毒药与邪明 及至王刑禁缚等
菩萨自得远离已 而复为彼诸众生
自利利他大导师 最上大悲无畏者
菩萨已具诸梵行 如白月分照世间
人天称赞大圣尊 是为最上真梵行
菩萨常住三摩地 无边功德为所依
随顺方便现所居 补陀落山为住止

⁴ 大正藏：舡

⁵ 大正藏：舡

其山高广复殊妙 种种珍宝以庄严
彼有宝树数甚多 低罗迦及瞻波等
有诸异鸟止其上 常出清净妙好音
如是庄严圣所居 礼敬瞻仰而获福
俱尾啰并嚩嚧乃 及彼阎摩等三天
乾闥婆王修罗王 夜叉王及诸龙王⁶
乃至部多等诸类 若天若神一切王
昼夜各生恭敬心 归依称赞真圣者
彼等如是称赞已 一切所欲皆随心
大富快乐寿命长 勇猛精进具威德
息除无量诸苦恼 梦中怖畏亦不生
乃至寿命欲终时 菩萨现身而安慰
圣观自在功德海 无量无边无有穷
假以百舌千劫中 称扬赞叹不能尽

圣观自在菩萨功德赞

⁶ 大正藏：主

千手千眼无碍大悲心陀罗尼

(十五遍)

南无. 喝啰怛那. 哆啰夜耶 (一) 南无. 阿唎耶
(二) 婆卢羯帝. 烁钵啰耶 (三) 菩提萨埵婆耶 (四)
摩诃萨埵婆耶 (五) 摩诃迦卢尼迦耶 (六) 唵 (七)
萨皤啰罚曳 (八) 数怛那怛写 (九) 南无. 悉吉唵埵.
伊蒙阿唎耶 (十) 婆卢吉帝. 室佛啰楞驮婆 (十一)
南无. 那啰谨墀 (十二) 醯唎摩诃. 皤哆沙咩 (十三)
萨婆阿他. 豆输朋 (十四) 阿逝孕 (十五) 萨婆萨哆.
那摩婆萨哆. 那摩婆伽 (十六) 摩罚特豆 (十七) 怛侄
他 (十八) 唵阿婆卢醯 (十九) 卢迦帝 (二十) 迦罗帝 (二
十一) 夷醯唎 (二十二) 摩诃菩提萨埵 (二十三) 萨婆萨
婆 (二十四) 摩啰摩啰 (二十五) 摩醯摩醯. 唎驮孕 (二
十六) 俱卢俱卢. 羯曩 (二十七) 度卢度卢. 罚闍耶帝
(二十八) 摩诃罚闍耶帝 (二十九) 陀啰陀啰 (三十) 地
唎尼 (三十一) 室佛啰耶 (三十二) 遮啰遮啰 (三十三)
摩摩罚摩啰 (三十四) 穆帝隶 (三十五) 伊醯移醯 (三十
六) 室那室那 (三十七) 阿啰嚩. 佛啰舍利 (三十八) 罚
沙罚嚩 (三十九) 佛啰舍耶 (四十) 呼卢呼卢摩啰 (四
十一) 呼卢呼卢醯唎 (四十二) 娑啰娑啰 (四十三) 悉唎
悉唎 (四十四) 苏嚧苏嚧 (四十五) 菩提夜. 菩提夜 (四

十六) 菩驮夜. 菩驮夜 (四十七) 弥帝力夜 (四十八) 那
啰谨墀 (四十九) 地唎瑟尼那 (五十) 波夜摩那 (五十一)
娑婆诃 (五十二) 悉陀夜 (五十三) 娑婆诃 (五十四) 摩
诃悉陀夜 (五十五) 娑婆诃 (五十六) 悉陀喻艺 (五十七)
室幡啰夜 (五十八) 娑婆诃 (五十九) 那啰谨墀 (六十)
娑婆诃 (六十一) 摩啰那啰 (六十二) 娑婆诃 (六十三)
悉啰僧. 阿穆佉耶 (六十四) 娑婆诃 (六十五) 娑婆摩
诃. 阿悉陀耶 (六十六) 娑婆诃 (六十七) 者吉啰. 阿悉
陀夜 (六十八) 娑婆诃 (六十九) 波陀摩. 羯悉陀夜 (七
十) 娑婆诃 (七十一) 那啰谨墀. 幡伽啰耶 (七十二) 娑
婆诃 (七十三) 摩婆利. 胜羯啰夜 (七十四) 娑婆诃 (七
十五) 南无. 喝啰怛那. 哆啰夜耶 (七十六) 南无. 阿唎
耶 (七十七) 婆卢吉帝 (七十八) 烁幡啰夜 (七十九) 娑
婆诃 (八十) 唵. 悉殿都 (八十一) 漫哆啰 (八十二) 跋驮
耶 (八十三) 娑婆诃 (八十四)

赞观音文

(一遍)

南无过去正法明如来，现前观世音菩萨。成妙功德，具大慈悲。于一身心，现千手眼。照见法界，护持众生。令发广大道心，教持圆满神咒。永离恶道，得生佛前。无间重愆，缠身恶疾，莫能救济，悉使消除。三昧辩才，现生求愿，咸令果遂，决定无疑。能使速获三乘，早登佛地。威神之力，叹莫能穷。故我一心归命顶礼。

(诵毕至心顶礼千手千眼大慈大悲)

观世音自在菩萨
摩诃萨三十二拜)

礼观音文

宋·大慧宗杲禅师

清净三业，一心五体投地，归依南无十方慈父广大灵感观世音菩萨。

我闻菩萨，从闻思修，入三摩地，得二随顺，四不思議，十四无畏，十九说法，七难二求，三十二应，无量功德，兴大威力，发大誓愿，同流九界，六道四生，生死趣中，兴百千万亿无量恒河沙劫数，善行方便，救度拔济一切众生，无有休息。我今哀求，必赐加被。

伏念(某甲)夙生庆幸，得遇佛乘，**身苦尘缘**，**心多散乱** (若出家者改為) **身虽出家，心不染道**，愚痴邪见，诸根昏塞，内外经书，虽于习学，章句妙理，无所通晓。又恐福力浅薄，寿命不长，**徒得人身** (若出家者改為) **徒入空门**，虚生浪死。我今洗心泣血，稽颡投诚，终日竟夜，存想圣容，受持圣号，礼拜圣像。惟愿菩萨，天耳闻声，悲心救苦，怜愍加被，放大神光，照我身心，倾大甘露，灌我顶门。荡涤累世怨愆，洗洁千生罪垢。身心清净，魔障消除。昼夜之间，坐卧之中，观见菩萨，放大神光，开我慧性，使我(某甲)，即时神通朗发，

智慧聪明。一切经书，自然记忆。一切义理，自然通晓。得大辩才，得大智慧，得大寿命，得大安乐。参禅学道，无诸魔障，悟无生忍。生生生生，行菩萨道。四恩总报，三有齐资。法界众生，同圆种智。(一遍)

南無千手千眼大慈大悲观世音自在菩萨
摩诃萨 (合掌十声)

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国



此咒置经书中可灭误跨之罪

南无护法韦驮尊天菩萨

